

## 山中与裴秀才迪书\*

王维

732

近腊月下，景气和畅，故山殊可过。足下方温经，猥不敢相烦。辄便往山中，憩感配寺，与山僧饭讫而去。

北涉元灞，清月映郭。夜登华子冈，辋水沦涟，与月上下。寒山远火，明灭林外。深巷寒犬，吠声如豹。村墟夜舂，复与疏钟相间。此时独坐，僮仆静默，多思曩昔，携手赋诗，步仄迳，临清流也。

当待春中，草木蔓发，春山可望，轻飏出水，白鸥矫翼，露湿青皋，麦陇朝雉。斯之不远，倘能从我游乎？非子天机清妙者，岂能以此不急之务相邀？然是中有深趣矣，无忽！因驮黄蘗人往，不一。山中王维白。

---

\*Click to View:<https://web.archive.org/web/20221207021925/https://so.gushiwen.cn/shiwen/011974bd3374.aspx>